

& electos ad bellum. Tantusque me-  
tus prouentus illis incubuit. ut uni-  
uersarum urbium habitatores principes  
& honorati. simul cum populis exirent  
in obuiam ueniendi. excipientes eum  
cum coronis & lampadibus. ducentes  
choros in tympanis & tympanis. Nec  
ista tamen facientes. ferocitatem eius pec-  
toris mitigare potuerunt. Nam &  
ciuitates eorum destruxit. & lucos eorum  
excidit. Preceperat enim illi habugodonosor rex. ut omnes deos terre exter-  
minare. uidelicet ut ipse solus dice-  
retur deus ab his nationibus. que potui-  
ssent olofernis potentia subjugari.  
Pertransiens autem syriam sobal. & om-  
nem apamiam. omnemque mesopotamiam.  
uenit ad idumeos in terra gabaam.  
Acceptaque ciuitates eorum. & sedit ibi  
per triginta dies. in quibus diebus adima-  
ri precepit uniuersum exercitum uir-  
tutis sue.

VIII

**T**unc audientes hec filii israel  
qui habitabant in terra  
iuda. timuerunt ualde  
a facie eius. Tremor etiam & horro-  
r inuastit sensus eorum. ne hoc faceret  
hierusalem & templo domini. quod fecerat  
ceteris ciuitatibus & templis earum.  
Et miserunt in omnem samariam per  
circuitum usque hiericho. & preoccupa-  
uerunt omnes uertices montium. &  
muris circumdederunt uitos suos. Et  
congregauerunt frumenta. in preparatione  
pugne. Sacerdos etiam heliachim  
scripsit ad uniuersos qui erant contra

hesdreion. que est contra faciem  
campi magni iuxta dothum. & u-  
niuersis per quos transitus esse poterat.  
ut optinerent ascensus montium per  
quos uia esse poterat ad hierusalem. ut  
illie custodirent ubi angustum iter  
esse poterat inter montes. Et fece-  
runt filii israel. secundum quod constituerat  
eis sacerdos domini heliachim. Et cla-  
mauit omnis populus ad dominum instantia  
magna. & humiliauerunt animas suas  
in ieiuniis. ipsi & mulieres eorum. Et  
induerunt se sacerdotes cilicis. & in-  
fantes prostrauerunt se contra faciem  
templi domini. & altare domini operuerunt  
cilicio. Et clamauerunt ad dominum israel  
unanimiter. ne darentur in preda  
infantes eorum. & uxores eorum in diuisi-  
onem. & ciuitates eorum in extirpationem.  
& sancta eorum in pollutionem. & fierent  
in opprobrium gentibus.

Omnium mensis octobris. l. i.

**A** factum est postquam  
Alexander philippi  
satrapa qui prius  
regnauit in grecia.  
egressus de terra cethim. percussit  
Darium regem persarum & medorum.  
constituit prelia multa. & omnium  
optinuit munitiones. & interfecit  
reges terre. Et pertransiit usque ad fi-  
nes terre. & accepit spolia multi-  
tudinis gentium. & sicut terra  
in conspectu eius. Et congrega-  
uit iracundum exercitum fortis nimis.  
& exaltatum est & eleuatum cor eius.

